

## UPRAVNI POSTUPAK

### *Uputstvo se može donijeti samo u okviru izričitih zakonskih ovlaštenja u skladu sa zakonom*

**PITANJE:** Da li je u skladu sa zakonom uputstvo nadležnog organa uprave koje sadrži odredbu da se neće razmatrati zahtjevi koji sadrže neki nedostatak?

**ODGOVOR:** Nadležni organ uprave nije ovlašten da provedbenim propisom, odnosno uputstvom, kao općim aktom, propisuje da se neće razmatrati zahtjevi koji sadrže neki od formalnih nedostataka, jer komuniciranje organa i stranke i postupanje po podnescima propisano je odredbama Zakona o upravnom postupku.

Kako se radi o institutu u okviru zakonskih odredbi to se ova materija ne može utvrđivati provedbenim propisom niti općim aktom resornog organa uprave.

Istovremeno, ukazujemo da se provedbeni propisi (pravilnik) i opći akti (uputstvo, naredbe, instrukcije) mogu donositi samo u okviru izričitih zakonskih ovlaštenja i u pogledu sadržaja moraju biti u skladu sa zakonom. ■

*Mensur HADŽIMUSIĆ, dipl. pravnik*